







For  
2- cont



















COPPIE DE LA  
LETTRE ENVOYEE  
A MONSIEVR LE PRINCE,  
PAR LES CAPITOVLS DE LA  
ville de Bordeaux.

ET RESPONCE A ICELLE  
*Par mondit Seigneur le Prince.*



A PARIS,

Chez IOSEPH GVERREAV, rue Barrillerie,  
au Griffon, deuant le Palais.

M. DC. XV.

AVEC PERMISSION.

Case

F

39

1326

1615 cobb

THE NEWBERRY  
LIBRARY



COPPIE DE LA LETTRE  
ENVOYEE A MONSIEVR LE  
Prince, par les Capitouls de la  
ville de Bordeaux.

*Et responce à icelle par Mondit seigneur le Prince.*



ONSEIGNEVR,

La bien veillance que  
vostre rang nous permet de vouspor-  
ter & le grand desir que nous auons de  
vous voir en bonne intelligence avec  
le Roy, nous a faict resoudre de vous

A ii

recire, sçachant au vray que vous estiez  
 plus porté à la guerre qu'à la paix, non  
 toutesfois pour vous exhorter à la de-  
 position de vos armes, mais afin de vous  
 faire certain des protestatiōs que nous  
 auons faictes à sa Maieité, qui sont que  
 nos biens & nos vies ne s'espargneront  
 iamais pour ce qui est de son seruice.  
 Vous ne doutez point (comme nous  
 croyons) des preuues que nous en auons  
 desia rendues pendant que Monsieur de  
 Guyse s'est acheminé à Bayonne pour  
 l'eschange des Infantes de Frâce & d'Es-  
 pagne, aussi ne desirant vous le certifier  
 plus amplement, il nous suffira de vous  
 aduertir que nostre resolution est telle  
 en general pour le garantir des encom-  
 bres qui luy pourroient arriuer par le  
 desastre d'implorer la force & le secours  
 des plus reculez de nostre pays, & de les  
 soldoyer à nos propres despens, plustost  
 qu'en la iustice de la cause la corruption  
 & l'audace eust le pardessus : Vous sça-



uez si nous errons en nos consciences pour ce subiect, vous sçauiez avec combien de fidelité le deuoir nous oblige de seruir nostre Roy, bref c'est folie de vous en dire dauantage, puis que vous mesme voulez & entendez estre honoré & respecté suiuant le merite de vostre grandeur. C'est pourquoy vous ne trouueriez point mauuais si tant est que nous soyons contraincts de nous declarer vos contraires pour le present, car où l'obligation lie les ames & les affections, il est impossible d'y renoncer, & principalement lors que l'on a contracté pour recognoistre le Roy pour son Roy, vray protecteur & conseruateur de tous ses fidelles subiects: Que si vous changez de volonté, & qu'en bref vous le faciez paroistre, veu l'affinité que vous auez avec sa Maiesté, assurez vous d'estre aussi bien venu en nostre ville comme si elle estoit toute vostre, & comme si vous y auiez laissé quelque marque de

vostre bonne volonté:Voila tout ce que nous auons à vous recrire pour le present, priant Dieu Monseigneur qu'il vous assiste de ses graces, & qu'il vous vueille donner d'autre conseil que celuy qui vous gouuerne,

De Bordeaux ce 13. Nouembre 1615,



RESPONSE FAICTE PAR  
Monsieur le Prince de Condé à la  
lettre qui luy a esté rescripte par  
les Capitouls de la ville de  
Bordeaux.



ESSIEURS,

J'ay receu la lettre que vous m'auex en-  
uoyee le treiziesme iour du present mois de Nouembre,  
par laquelle vous me faictes assauoir de vostre affe-  
ction pour le seruice du Roy, & de la resolution qui  
vous y porte, ensemble des offres que vous auex iugé  
requises à me faire, ie vous en loüe plus possible que  
vous ne croyez, & plus que beaucoup des ennemis de  
la Couronne se pourroient imaginer: Ie vous coniure  
de continuer vos intentions, partant qu'elles suivent la  
trace de leur premier crayon, de ma part, ie sçay ce  
que la necessité me fera faire, quoy qu'on me die inuen-  
teur de la ruine du pauvre peuple, n'aymant rien plus  
particulierement que de voir les affaires de ce Royau-  
me changer de face & de couleur, i'y suis resolu de tout  
mon cœur, & proteste de ne rien accorder avec le Con-  
seil de sa Maiesté, que m'franchise ne soit recogneuë,

Et le blasme réparé des fautes & imputées à ma loyauté: J'espère que bien tost Dieu secondera l'effect de mes iustes intentions, en sorte que vous me reconnoistrez pour vostre amy le plus affectionné.

HENRY DE BOVRBON.

De Chasteleraux ce 19. Novembre 1615.

